

Polis Terpaksa Lepaskan Gas Pemedih Mata & Meriam Air Kerana Peserta Bersih 3.0 Bertindak Ganas
mStar Online
April 28, 2012
Oleh QISHIN TARIQ

KUALA LUMPUR: Polis mendakwa mereka terpaksa melepaskan gas pemedih mata dan meriam air kerana perusuh Bersih 3.0 bertindak ganas hingga memaksa mereka berbuat demikian bagi menyuraikan perhimpunan tersebut.

"Mereka bertindak tidak sopan dengan memaling objek kepada polis dan memaksa polis membuka laluan untuk memudahkan mereka bergerak menghampiri Dataran Merdeka," kata Ketua Polis Kuala Lumpur, Datuk Mohamad Salleh.

Pasukan FRU terpaksa melepaskan gas pemedih mata kepada penyokong Bersih 3.0 yang cuba melanggar sekatan polis.

Beliau berkata tindakan peserta Bersih 3.0 yang cuba memasuki kawasan permukaan tanah Dataran Merdeka menyebabkan pihak polis terpaksa melepaskan gas pemedih mata bagi menghentikan kemaraan mereka.

"Kami masih lagi berjaya mengawal keadaan," katanya pada sidang media di sini.

Beliau berkata polis berjaya mengawal pergerakan peserta perhimpunan tersebut yang bermula sejak awal pagi Sabtu hingga 2.55 petang.

"Pada pukul 2.50 petang, beberapa pemimpin parti pembangkang dan pertubuhan bukan kerajaan (NGO) memberikan ucapan kepada peserta himpunan.

"Kira-kira pada pukul 2.55 petang peserta Bersih cuba mengalihkan kawat berduri yang dipasang di Jalan Tunku Abdul Rahman dan Jalan Tun Razak untuk memasuki Dataran Merdeka.

Hakcipta Terpelihara © 1995-2012 Star Publications (Malaysia) Bhd

Source:

http://mstar.com.my/berita/cerita.asp?file=/2012/4/28/mstar_berita/20120428183102&sec=mstar_berita